

Հավելված N 1
ՀՀ կառավարության 2010 թվականի
մայիսի 6-ի N 516 - Ա որոշման

Ց Ա Ն Կ

«ԲԻԳԱ» ՍԱՀՄԱՆԱՓՈՒԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԿՈՂՄԻՑ ՆԵՐՄՈՒԾՎՈՂ ԱՊՐԱՆՔՆԵՐԻ

NN ը/կ	ԱՏԳ ԱԱ-ի ծածկագիրը	Անվանումը	Չափի միավորը	Քանակը	Ծագման երկիրը	Արտահանման երկիրը	Ներմուծման ժամկետը		Արժեքը (դրամ)
							տարի	եռամսյակ	
1	2	3	4	5	6	7	8	9	10
1.	73089099	Երկաթե կոնստրուկցիա	կգ	20400	Հոլանդիա	Հոլանդիա	2010 թ.	II-III	35384407
2.	73089059	Տանիք կոնստրուկցիա	քառ. մ	1020	Հոլանդիա	Հոլանդիա	2010 թ.	II-III	19116211
3.	84189990	Սառնարանային պատերի մասեր	քառ. մ	2329	Բելգիա	Ֆրանսիա	2010 թ.	II-III	50850818
4.	76101000	Դռներ և պատուհաններ	հատ	6	Հոլանդիա	Հոլանդիա	2010 թ.	II-III	17279236
5.	76109090	Դարակներ	մ	180	Հոլանդիա	Հոլանդիա	2010 թ.	II-III	32757716
6.	54072011	Աճեցման ցանց	հատ	72	Հոլանդիա	Հոլանդիա	2010 թ.	II-III	1742911
7.	84331990	Բերքահավաքի սայլակներ	հատ	16	Հոլանդիա	Հոլանդիա	2010 թ.	II-III	7243278
8.	84159000	Օդափոխության համակարգի մասեր	հատ	6	Հոլանդիա	Հոլանդիա	2010 թ.	II-III	43258451
9.	84159000	Կլիմայի կառավարման համակարգի մասեր	հատ	6	Հոլանդիա	Հոլանդիա	2010 թ.	II-III	17132362
10.	84159000	Սառեցման համակարգի մասեր	հատ	1	Հոլանդիա	Հոլանդիա	2010 թ.	II-III	42503948
11.	84159000	Ջեռուցման համակարգի մասեր	հատ	1	Հոլանդիա	Հոլանդիա	2010 թ.	II-III	
12.	84159000	Գոլորշու կենտրոնական համակարգի մասեր	հատ	1	Հոլանդիա	Հոլանդիա	2010 թ.	II-III	17353681
13.	84159000	Ջրանցքների մեկուսացման համակարգի մասեր	հատ	1	Հոլանդիա	Հոլանդիա	2010 թ.	II-III	1710235

1	2	3	4	5	6	7	8	9	10
14.	84159000	Ջրային ցողման և մաքրման համակարգի մասեր	հատ	6	Հոլանդիա	Հոլանդիա	2010 թ.	II-III	1295238
15.	84368099	Դարսող մեքենա՝ կոմպոստի համար	հատ	1	Հոլանդիա	Հոլանդիա	2010 թ.	II-III	16604207
16.	84251100	Բարձրացման մեխանիզմ + կարապիկ (լեբյոտկա) կոմպ. համար	հատ	1	Հոլանդիա	Հոլանդիա	2010 թ.	II-III	10447421
17.	87168000	Շրջվող սայլակ՝ կոմպոստի համար	հատ	1	Հոլանդիա	Հոլանդիա	2010 թ.	II-III	578456
18.	84289091	Դատարկող կոնվեյեր (ձեռքի պոմպով)՝ կոմպոստի համար	հատ	1	Հոլանդիա	Հոլանդիա	2010 թ.	II-III	7590350
19.	84368099	Էլեկտրական խառնող, հարթեցնող մեքենա՝ կոմպոստի համար	հատ	1	Հոլանդիա	Հոլանդիա	2010 թ.	II-III	5578330
20.	8424	Ջրցան սայլակ՝ կոմպոստի համար	հատ	1	Հոլանդիա	Հոլանդիա	2010 թ.	II-III	1509018
21.	3101	Կոմպոստ	տոննա	576	Հոլանդիա Հունգարիա	Հոլանդիա Հունգարիա	2010 թ.	II, III, IV	45360000
Ընդամենը									375296271

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Պ Ա Յ Մ Ա Ն Ա Գ Ի Ր N

«ԲԻԳԱ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՆԵՐԴՐՈՒՄԱՅԻՆ ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԻ ԵՎ
ՄՈՆԻԹՈՐԻՆԳԻ ՀԱՄԱԿԱՐԳԻ
Մ Ա Ս Ի Ն

քաղ. Երևան _____ 2010 թ.

Հայաստանի Հանրապետությունը, որի անունից հանդես է գալիս Հայաստանի Հանրապետության էկոնոմիկայի նախարարությունը (այսուհետ՝ նախարարություն), ի դեմս _____ -ի, մի կողմից, և «ԲԻԳԱ» սահմանափակ պատասխանատվությամբ ընկերությունը, ի դեմս _____ -ի (այսուհետ՝ ընկերություն), մյուս կողմից (նախարարությունը և ընկերությունը միասին հիշատակելու դեպքում՝ այսուհետ՝ կողմեր), հիմք ընդունելով Հայաստանի Հանրապետության կառավարության 2010 թվականի մայիսի 6-ի N _____ - Ա որոշումը, կնքեցին սույն պայմանագիրը (այսուհետ՝ պայմանագիր) հետևյալի մասին.

1. Պայմանագրի առարկան

Ընկերությունը պայմանագրով պարտավորվում է կատարել Հայաստանի Հանրապետության կառավարության 2009 թվականի ապրիլի 30-ի «Ավելացված արժեքի հարկի մասին» Հայաստանի Հանրապետության օրենքի 6.1-ին հոդվածով սահմանված կազմակերպությունների և անհատ ձեռնարկատերերի ընտրության կարգը հաստատելու մասին» N 600-Ն որոշմամբ

սահմանված կարգով ընտրված ընկերության կողմից իրականացվող ներդրումային ծրագրով (այսուհետ՝ ծրագիր) նախատեսված աշխատանքները, իսկ նախարարությունը պարտավորվում է իր իրավասությունների սահմաններում աջակցել ընկերությանը ծրագրի իրականացման գործընթացում:

2. Կողմերի իրավունքները և պարտավորությունները

2.1. Նախարարությունը պարտավոր է՝

2.1.1. կատարել ծրագրի իրականացման մոնիթորինգ:

2.2. Նախարարությունն իրավունք ունի՝

2.2.1. կատարելու ընկերության կողմից իրականացվող ծրագրի նկատմամբ վերահսկողություն.

2.2.2. ընկերությունից պահանջելու ներկայացնել պայմանագրի 3.6-րդ կետով սահմանված հաշվետվությունները:

2.3. Ընկերությունը պարտավոր է՝

2.3.1. մինչև 2010 թվականի սեպտեմբերի 15-ը ավարտել ընկերության կողմից Հայաստանի Հանրապետության կառավարություն ներկայացված ներդրումային ծրագրում նշված սնկի արտադրության կազմակերպումը, որը կապահովի օրական մոտավորապես 750 կգ սնկի արտադրության հզորություն՝ համալրելով համապատասխան սարքավորումներով.

2.3.2. պայմանագրի 2.3.1-ին ենթակետում նշված ծրագրի շրջանակներում ստեղծել առնվազն 15 նոր աշխատատեղ՝ շուրջ 80 հազ. դրամ միջին աշխատավարձով.

2.3.3. հարկային պարտավորությունները և սոցիալական ապահովության վճարներն ավելացնել աշխատողների թվի և արտադրանքի իրացման ծավալների ավելացմանը համապատասխան.

2.3.4. կատարել Հայաստանի Հանրապետության էկոնոմիկայի նախարարության կողմից բացահայտված թերությունների վերացման համար տրված ցուցումները.

2.3.5. իրականացնել ծրագրով նախատեսված այլ անհրաժեշտ աշխատանքներ:

2.4. Ընկերությունն իրավունք ունի՝

2.4.1. ինքնուրույն որոշելու ծրագրի իրականացման մեխանիզմները.

2.4.2. ծրագրի իրականացման աշխատանքներում ներգրավելու այլ կազմակերպություններ և անհատ փորձագետների, որոնց կողմից իրականացվող աշխատանքների որակի պատասխանատվությունը կրում է ընկերությունը:

3. Հաշվետվություն և մոնիթորինգ

3.1. Ընկերության կողմից ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացվում է մոնիթորինգ:

3.2. Նախարարությունը ցանկացած ժամանակ կարող է ծրագրի շրջանակներում իրականացնել մոնիթորինգ, ինչպես նաև ուսումնասիրել ընկերության կողմից իրականացված մոնիթորինգը և ծրագրին առնչվող ցանկացած փաստաթղթեր ու նյութեր:

3.3. Մոնիթորինգի ընթացքում բացահայտված թերացումների և բացթողումների շտկման նպատակով նախարարության կողմից ընկերությանը տրվում են ցուցումներ, և կատարվում են առաջարկություններ:

3.4. Նախարարության կողմից իրականացվող մոնիթորինգի ընթացքում ընկերությունից կարող են պահանջվել գրավոր ու բանավոր պարզաբանումներ և բացատրություններ:

3.5. Մոնիթորինգն իրականացվում է ծրագրով ստանձնած պարտավորությունների կատարման ընթացքը գնահատելու նպատակով:

3.6. Ընկերությունը նախարարություն է ներկայացնում եռամսյակային, կիսամյակային և տարեկան հաշվետվություններ (տեքստային և ֆինանսական):

4. Կողմերի պատասխանատվությունը

4.1. Այն դեպքում, երբ ընկերությունը չի կատարում կամ ոչ պատշաճ է կատարում պայմանագրով և ծրագրով սահմանված պարտավորությունները, խուսափում է նախարարության վերահսկողությունից, նախարարությունն իրավունք ունի միակողմանիորեն լուծելու պայմանագիրը և ընկերությունից պահանջելու վճարել հետաձգված` Հայաստանի Հանրապետության կառավարության 2010 թվականի մայիսի 6-ի N - Ա որոշման N 1 հավելվածով սահմանված` ընկերության կողմից Հայաստանի Հանրապետություն ներմուծվող ապրանքների ընդհանուր գումարից հաշվարկված ավելացված արժեքի հարկի գումարները և դրանք սահմանված ժամկետից ուշ վճարելու համար օրենքով սահմանված տույժերը` ավելացված արժեքի հարկի վճարման ժամկետի հետաձգման օրվանից մինչև գործարքի իրականացման հաշվետու ժամանակաշրջանի ավարտը` «Ավելացված արժեքի հարկի մասին» Հայաստանի Հանրապետության օրենքով սահմանված կարգով:

4.2. Կողմերը համաձայնվում են պայմանագրի շուրջ ծագող տարաձայնությունները կարգավորել բանակցությունների միջոցով: Համաձայնություն ձեռք չբերվելու դեպքում վեճերը լուծվում են դատական կարգով:

5. Պայմանագրի գործողության ժամկետը

5.1. Պայմանագիրն ուժի մեջ է մտնում կողմերի կողմից ստորագրման պահից և գործում է մինչև ծրագրի պատշաճ իրականացման ավարտը:

5.2. Ծրագիրը համարվում է կատարված՝ պայմանագրով սահմանված պարտավորությունների կատարման դեպքում:

6. Անհաղթահարելի ուժի ազդեցությունը (ՖՈՐՄ-ՄԱԺՈՐ)

Պայմանագրով ստանձնած պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և, որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով ստանձնած պարտավորությունների կատարումը: Եթե արտակարգ ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

7. Եզրափակիչ դրույթներ

7.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

7.2. Պայմանագրով չնախատեսված հարաբերությունները ենթակա են կարգավորման՝ Հայաստանի Հանրապետության օրենսդրությամբ սահմանված կարգով:

7.3. Պայմանագիրը կնքված է հայերենով՝ 2 օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8. Կողմերի հասցեները, բանկային վավերապայմանները և ստորագրությունները

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ